







王明卿詩為說杜

卷之六 而物多矣 功成身退也 功成身退也

卷之六 而物多矣 功成身退也 功成身退也

卷之六 而物多矣 功成身退也 功成身退也

卷之六 而物多矣 功成身退也 功成身退也

卷之六 而物多矣 功成身退也 功成身退也

卷之六 而物多矣 功成身退也 功成身退也

卷之六 而物多矣 功成身退也 功成身退也

卷之六 而物多矣 功成身退也 功成身退也

卷之六 而物多矣 功成身退也 功成身退也

卷之六 而物多矣 功成身退也 功成身退也







王禹偁待漏院記

天道不言而品物亨歲功成者何謂也四時之吏五行之佐宣其氣矣聖人不言而百姓親萬邦寧者何謂也三公論道六卿分職張其教矣是知君逸於上臣勞於下法乎天也古之善相天下者自咎夔至房魏可數也是不獨有其德亦皆務於勤耳况夙興夜寐以事一人卿大夫猶然况宰相乎朝廷自國初因舊制設宰相待漏院於丹鳳門之右示勤政也乃若北闕向曙東方未明相君啓行煌煌火城相君至止噦噦鸞聲金門未闢玉漏猶滴撤蓋下車於焉以息





待漏之際相君其有思乎其或兆民未安思所泰之  
四夷未附思所來之兵革未息何以弭之田疇多蕪  
何以闢之賢人在野我將進之佞人立朝我將斥之  
六氣不和災眚薦至願避位以禳之五刑未措欺詐  
日生請脩德以釐之憂心忡忡待旦而入九門既啓  
四聰甚邇相君言焉時君納焉皇風於是乎清夷蒼  
生以之而富庶若然則總百官食萬錢非幸也宜也  
其或私讎未復思所逐之舊恩未報思所榮之子女  
玉帛何以致之車馬玩噐何以取之姦人附勢我將  
陟之直士抗言我將黜之三時告災上有憂色構巧



詞以悅之羣吏玩法君聞怨言進諂容以媚之私心  
惛惛假寐而坐九門旣開重瞳屢回相君言焉時君  
惑焉政柄於是乎隳哉帝位以之而危矣若然則死  
下獄投遠方非不幸也亦宜也是知一國之政萬民  
之命懸於宰相可不慎歟復有無毀無譽旅進旅退  
竊位而苟祿備員而全身者亦無所取焉棘寺小吏  
王禹偁爲文請誌院壁用規於執政者







范仲淹岳陽樓記

慶歷四年春滕子京謫守巴陵郡越明年政通人和  
百廢具興乃重脩岳陽樓增其舊制刻唐賢今人詩  
賦於其上屬予作文以記之予觀夫巴陵勝狀在洞  
庭一湖銜遠山吞長江浩浩湯湯橫無際涯朝暉夕  
陰氣象萬千此則岳陽樓之大觀也前人之述備矣  
然則北通巫峽南極瀟湘遷客騷人多會於此覽物  
之情得無異乎若夫霪雨霏霏連月不開陰風怒號  
濁浪排空日星隱曜山岳潛形商旅不行檣傾櫓摧  
薄暮冥冥虎嘯猿啼登斯樓也則有去國懷鄉憂讒



畏譏滿目蕭然感極而悲者矣至若春和景明波瀾  
不驚上下天光一碧萬頃沙鷗翔集錦鱗游泳岸芷  
汀蘭郁郁青青而或長烟一空皓月千里浮光耀金  
靜影沉璧漁歌互答此樂何極登斯樓也則有心曠  
神怡寵辱皆忘把酒臨風其喜洋洋者矣嗟乎予嘗  
求古仁人之心或異二者之爲何哉不以物喜不以  
已悲居廟堂之高則憂其民處江湖之遠則憂其君  
是進亦憂退亦憂然則何時而樂耶其必曰先天下  
之憂而憂後天下之樂而樂歟噫微斯人吾誰與歸











嚴先生祠堂記

李少詞嚴筆

方老健

相尚以道句

一篇要領

兩下並說並

無抑揚便見

嚴光之意

此記說嚴陵

光武二人地

步俱高援引

襯貼尤當氣

象如泰山喬

岳音韻如黃

鍾大呂不是

小家數

先生○光○武○之○故○人○也○相○尚○以○道○及○帝○握○赤○符○乘○六○龍○  
得○聖○人○之○時○臣○妾○億○兆○法好句天下孰加焉○惟先生以  
節○高○之○既○而○動○星○象○本傳帝引光與論道舊故夜共  
奏客星犯帝座甚急帝笑曰朕故人嚴子陵共臥耳歸江湖得聖人之清泥塗  
軒冕法句天下孰加焉○惟光武以禮下之在蟲之上九  
衆方有爲而獨不事王侯高尚其事先生以之在屯  
之初九陽德方亨而能以貴下賤大得民也○光武以  
之○蓋先生之心出乎日月之上○光武之量包乎天地  
之外○微先生不能成光武之大○微光武豈能遂先生



古今文系  
卷十二  
幹歸立祠意

舍無限意

之高哉而使貪夫廉懦夫立是大有功於名教也仲

淹來守是邦始構堂而奠焉乃復爲其後者四家復者

漢法免租賦科役也以奉祠事又從而歌曰雲山蒼蒼江水泱

泱先生之風山高水長泱泱流水貌

謝枋得曰字少意多文簡理詳大有關於世教非徒

文也

茅 坤曰此記清明峻潔之中自有從容俯仰之意

樓 昉曰中引兩卦天造地役

張以忠曰說到有功名教大有關係見得嚴先生不

止是閑散一流人物微顯闡幽立論高妙



答趙元昊書

反覆攻擊既不失中國之體亦不失夷狄之心最宜詳味言趙德明歸順中朝與天子所以待彼國之隆厚見今日元昊叛逆尚可念其先世而宥之也元昊縱自絕于朝廷然苟能悔罪則亦天子忠順之臣子也豈其一朝之失

伏以先大王歸向朝廷心如金石我真宗皇帝命爲同姓待以骨肉之親封爲夏王履此山河之大旌旗車服降天子一等恩意隆厚始終如一齊桓晉文之盛無以過此朝聘之使往來如家牛馬駝羊之產金銀繒帛之貨交受其利不可勝紀塞垣之下踰三十年有耕無戰禾黍雲合甲冑塵委養生葬死各終天年使蕃漢之民爲堯舜之俗此真宗皇帝之至化亦先大王之大功也自先大王薨今皇震悼累日嘻吁遣使行弔賻之禮以大王嗣守其國爵命崇重一如



而遂剪弃之  
雖委曲開導  
元昊其定爲  
中國異日撫  
安張本

回護最善且  
全我中朝體  
統

譬曉親切

先大王昨者大王以本國衆多之情推立太位誠不  
獲讓理有未安而遣行人告于天子又遣行人歸其  
旌節朝廷中外莫不驚憤請收行人戮于都市皇帝  
詔曰非不能以四海之力支其一方念先帝歲寒之  
本意故夏王忠順之大功豈一朝之失而驟絕之乃  
不殺而還假有本國諸蕃之長抗禮於大王而能含  
容之若此乎省初念終天子何負于大王哉二年以  
來疆事紛起耕者廢耒織者廢杼邊界蕭然豈獨漢  
民之勞耶使戰守之人日夜豺虎競爲吞筮死傷相  
枕哭泣相聞仁人爲之流涕智士爲之扼腕天子遣



藹然忠厚之  
意見于言表  
而命辭極冠  
冕

懇惻之至苟  
有人心無不  
感動

深切

令彼心折

仲淹經畧西事而命之曰有征無戰不殺非辜王者  
之兵也汝往欽哉仲淹拜手稽首敢不夙夜于懷至  
邊之日見諸將帥多務小功不爲大畧甚未副天子  
之意仲淹與大王雖未嘗高會嚮者同事于朝廷於  
天子則父母也於大王則兄弟也豈有孝於父母而  
欲害於兄弟哉可不爲大王一二而陳之傳曰名不  
正則言不順言不順則事不成大王世居西土衣冠  
語言皆從本國之俗何獨名稱與中朝天子侔擬名  
豈正而言豈順乎如衆情莫奪亦有漢唐故事單于  
可汗皆本國極尊之稱具在方冊仲淹料大王必以



被彼之謀

元昊狡焉思  
啓疆者未必  
不以契丹爲  
比故此段剖  
破之今彼雄  
心自挫

契丹爲比。故自謂可行。且契丹自石晉朝有援立之  
功。時已稱帝。今大王世受天子建國封王之恩。如諸  
蕃中有叛朝廷者。大王當爲霸主。率諸侯而伐之。則  
世世有功。王王不絕。乃欲擬契丹之稱。究其體勢。昭  
然不同。徒使瘡痍萬民。拒朝廷之禮。傷天地之仁。易  
曰。天地之大德曰生。聖人之大寶曰位。何以守位曰  
仁。是以天地養萬物。故其道不窮。聖人養萬民。故其  
位不傾。又傳曰。國家以仁獲之。以仁守之者。百世之  
朝。昔在唐末。天下洶洶。羣雄咆哮。日尋干戈。血我生  
靈。腥我天地。滅我禮樂。絕我稼穡。皇天震怒。罰其不



歷言本朝之  
得天心所以  
張大中國

吳越錢氏河  
東劉氏一納  
歟一削平俱  
在太宗時

仁五代王侯覆亡相續老氏曰樂殺人者不可如志  
于天下誠不誣矣後唐顯宗祈于上天曰願早生聖  
人以救天下是年我太祖皇帝應期而生及歷試諸  
難中外忻戴不血一刃受禪于周廣南江南荆湖西  
川有九江萬里之限一舉而下豈非應天順人之至  
乎由是罷諸侯之兵革五代之暴垂八十年天下無  
禍亂之憂太宗皇帝聖文神武表正萬邦吳越納疆  
并晉就縛真宗皇帝奉天體道清淨無爲與契丹通  
好受先大王貢禮自茲四海熙然同春今皇帝坐朝  
至晏從諫如流有忤雷霆雖死必赦故四海之心望



皇宋受命與  
五代不同而  
仁及天下又  
曰結于民心  
若此元昊其  
能達天命民  
心而觀非望  
哉

出脫

回護

引証

如父母。此謂以仁獲之。以仁守之。百世之朝也。仲淹  
料建議之初。人有離間妄言。邊城無備。士心不齊。長  
驅而來。所向必下。今以強人猛馬奔衝漢地。二年于  
茲。漢之兵民。蓋有血戰而死者。無一城一將願歸大  
王者。此可見聖宋仁及天下。邦本不搖之驗也。與夫  
間者之說。母乃異乎。今天下久平。人人泰然。不習戰  
鬪。不熟紀律。劉平之徒。忠敢而進。不顧衆寡。自取其  
因。餘則或勝或負。殺傷俱多。大王國人必以獲劉平  
爲賀者。鄭人侵蔡。獲司馬公子燮。鄭人皆喜。惟子產  
曰。小國無文德而有武功。禍莫大焉。而後鄭國之禍。



張大中國之意

在元昊則前日之勝不可恃而今日之勢反可危在中朝則一時敗衄由于治安忘戰而今日間罪方且選銳鍊精矣夫一隅之不澹四海易知也承平日久與訓練方新不可同量易知也奈何不回心易向而必與我皇宋為難哉

皆如子產之言。今邊士訓練漸精。恩威已立。有功必賞。敗事必誅。將帥而下。大知紀律。莫不各思奮力效命。爭議進兵。如其不然。何時可了。今招討司統兵四十萬。約五路入界。著其律曰。生降者賞。殺降者斬。獲精强者賞。害老弱婦女者斬。遇堅必戰。遇險必奪。可取則取。可城則城。縱未能入。賀蘭之居。彼之兵民。降者死者。所失多矣。是大王自禍其民。官軍之勢。不獲而已也。仲淹又念皇帝有征無戰。不殺非辜之訓。夙夜于懷。雖師帥之行。君命有所不受。奈何鋒刃之交。相傷必衆。見蕃兵戰死者。非有罪也。忠於大王耳。漢



其心不能與  
天同覆與地  
同載必不能  
爲此言元昊  
雖吳頊亦當  
讀之感激矣

以名誘之

以利害曉之

兵戰死者非有罪也。忠於天子耳。使忠孝之人肝腦塗地。積累怨鬼爲妖爲災。大王其可忽諸。朝廷以王者無外。有生之民皆爲赤子。何蕃漢之限哉。何勝負之言哉。仲淹與招討太尉夏公經畧密學韓公嘗議其事。大王如能以愛民爲意。禮於朝廷。復其王爵。承先大王之志。天下孰不稱其賢哉。一也。如衆多之情。三讓不獲。前所謂漢唐故事。如單于可汗之稱。尚有可稽于本國語言爲便。復不失其尊大。二也。但臣貢上國存中外之體。不召天下之怨。不速天下之兵。使蕃漢邊人復見康樂。無死傷相枕。哭泣相聞之醜。三也。



以利啗之

又大王之國府用或缺。朝廷每歲必有物帛之厚賜。  
爲大王助四也。又從來入貢使人口止稱蕃吏之職。  
以避中朝之尊。按漢諸侯王相皆出真拜。又吳越王  
錢氏有承制補官故事。功高者受朝廷之命。亦足隆  
大王之體。五也。昨有邊城上書乞招致蕃部首領。仲  
淹亦已請罷大王告諭諸蕃首領。不須去父母之邦。  
但回意中朝。則大平之樂。遐邇同之。六也。國家以四  
海之廣。豈無遺才。有在大王國者。朝廷不戮其家。安  
全如故。宜善事王。以報國士之知。惟同心嚮順。自不  
失其富貴。而宗族之人。必更優卹。七也。又牛馬駝羊

元昊不惟懷  
中國之仁亦  
且慮腹心之  
潰  
今反側自安



之產金銀繒帛之貨有無交易各得其所八也大王從之則上下同其美利生民之患幾乎息矣不從則上下失其美利生民之患何時而息哉仲淹今日之言非獨利于大王蓋以奉君親之訓救生民之患合天地之仁而已惟大王擇焉

張以忠曰此書言皇宋受天明命不與五代等西夏本中朝封建不與契丹等只此二端便令元昊雄謀頓折而愷惻真誠又足感激之真一片紙賢于十萬師也



引周公輔養  
成王自是切  
諭

以小形大

名言至論千  
古不可磨

程頤論經筵第一劄子

自古人君守成而致盛治者莫如周成王。成王之所  
以成德。繇周公之所以輔養。昔者周公傳成王。幼而  
習之。所見必正事。所聞必正言。左右前後皆正人。故  
習與智長。化與心成。今士大夫家善教子弟者。亦必  
延名德端方之士。與之居處。使之薰染成性。故曰少  
成若天性。習慣如自然。伏以皇帝陛下春秋之富。雖  
睿聖之資。得於天稟。而輔養之道。不可不至。所謂輔  
養之道。非謂告詔以言。過而後諫也。在涵養薰陶而  
已。大率一日之中。接賢士大夫之時。多親寺人宮女。



之時少則自然氣質變化德器成就臣欲乞朝廷慎  
選賢德之士以待勸講講讀既罷常留二人直日夜  
則一人直宿以備訪問皇帝讀習之暇游息之間時  
於內殿召見從容宴語不獨漸磨道義至於人情物  
態稼穡艱難積久自然通達比之常在深宮之中爲  
益豈不甚大切聞間日一開經筵講讀數行羣官列  
侍儼然而退情意畧不相接如此而責輔養之功不  
亦難乎今主上冲幼太皇太后慈愛亦未敢便乞頻  
出但時見講官久則自然接熟大抵與近習處久熟  
則生褻慢與賢士大夫處久熟則生愛敬此所以養成



聖德爲宗社生靈之福天下之事無急於此

樓昉曰此等議論闕涉大自伊訓說命無逸立政之後方見此等文字

張以忠曰繼世之主冲年嗣位不知祖宗櫛沐四方艱苦逸欲玩好往往得而中之惟賴侍講侍讀之官朝夕論說告以古今興衰之故人情物理渙然通達庶幾聰明日開德業日進真格君第一法也此疏言言惻窾字字典要是極大文字







司馬光諫院題名記

此等文字關

係世教不可

以文字目之

凡為言者當

錄一通置之

座右朝夕觀

自

此一幹尤奇

非溫公不及

此

結語尤足警

古者諫無官。自公卿大夫至于工商。無不得諫者。漢  
興以來。始置官。夫以天下之政。四海之衆。得失利病。  
萃于一官。使言之。其為任亦重矣。居是官者。當志其  
大。舍其細。先其急。後其緩。專利國家。而不為身謀。彼  
汲汲於名者。猶汲汲於利也。其間相去何遠哉。為諫官之  
律令格式。無出于此。天禧初。真宗真宗詔置諫官六員。責其職。  
事慶曆中。仁宗錢君始書其名於版。光恐久而漫滅。  
嘉祐八年。仁宗刻著于石。後之人將歷指其名而議  
之。曰某也。忠某也。詐某也。直某也。曲鳴呼可不懼哉。



樓 昉曰首尾百六十八字而包括無餘識治禮明  
職守筆力高簡如此可以想見其人

張以忠曰汲汲于名猶汲汲于利二語極透真是名  
識名言

又曰由今之道惟利是謀遑願清議哉誠使得  
一好名之士而立于朝則媚悅取容之得  
庶其有救扼腕時事何勝感傷



李觀袁州學記

袁州學記李

太伯文河東

柳湛書京兆

章友真篆時

稱三絕

立學本之朝

廷得休

叙得高古

皇帝二十有三年制詔州縣立學。惟時守令有哲有  
愚。有屈力殫慮。祇順德意。法句有假官僭師。苟具文書。  
法句或連數城。亡誦絃聲。倡而不和。教尼不行。尼止也  
三十有二年。范陽祖君無澤知袁州。范陽涿州祖君  
始至。進諸生知學宮闕狀。法字大懼人材放失。儒效  
濶疎。亡以稱上意旨。通判潁川陳君佺聞而是之。法字  
議以克合。相舊夫子廟。陲隘不足。改爲乃。營治之。東  
厥土。燥剛。厥位面陽。厥材孔良。殿堂門廡。黝堊丹漆。  
舉以法。故生師有舍。庖廩有次。百爾器備。並手偕作。



此一句重似九鼎

只舉秦漢家

世故事學校

之有關於國

自見意思既

奇文復嚴壯

叙學校之廢

與以開風化

喚起表君新

學之意無一

字不中款

工善吏勤晨夜展力越明年成舍采且有日盱江李

觀諗于衆曰惟四代之學考諸經可見已謝云作學記不說虞

夏商周自是欠事今只以秦以山西鑒六國鑒盡死殺人也

漢書鑒臯蘭山下六欲帝萬世劉氏一呼劉氏而關

國謂韓魏齊楚燕趙

門不守語壯武夫健將賣降恐後何耶詩書之道廢人

惟見利而不聞義焉耳此學之廢孝武乘豐富世祖出戎

行皆孳孳學術俗化之厚延于靈獻草茅危言者折

首而不悔功烈震主者聞命而釋兵羣雄相視不敢

去臣位尚數十年教道之結人心如此此學之修一句結有筆力

今代遭聖神爾袁得聖君法句俾爾由庠序踐古人之



謹此令人忠  
孝之心勃然  
而生

議論純正真  
得孔孟正脉

迹○天○下○治○則○譚○禮○樂○以○陶○吾○民○  
譚作覃者非  
一○有○不○幸○尤○  
當○仗○大○節○為○臣○死○忠○為○子○死○孝○  
謝云此等文章關涉世教萬世不磨滅也  
使○人○有○所○賴○且○有○所○法○是○惟○朝○家○教○學○之○意○若○其○弄○  
筆○墨○以○徼○利○達○而○已○豈○徒○二○三○子○之○羞○抑○亦○為○國○者○  
之○憂○  
東語收恰得好

朱熹曰老蘇父子自史中戰國集得之故皆自小

處起議論太伯之文得之經中雖淺然皆  
自大處起議論

謝枋得曰宋朝大儒作學記多矣三百年來人獨喜  
誦袁州學記因筆端有氣力有光燄超然



不羣其立論高遠宏大不離乎人心天理  
宜乎讀者樂而忘倦也葉永心有云爲父  
不足關世教雖工無益此可與知者道

張以忠曰莊雅卓鍊奇邁高古極大文字



李格非書洛陽名園記後

天下治安閑  
於盛衰興廢  
理數自然此  
記因盛而逆  
料其衰因興  
而追憶其靡  
俯仰之間寄  
一感慨而文  
字變化亦極  
其趣  
園囿何閑于  
世道所以然  
者與庶可以  
占盛衰可以  
占治亂盛衰  
不過洛陽而  
治亂閑于天  
下非為洛陽

洛陽處天下之中。挾殽黽之阻。當秦隴之襟喉。而趙  
魏之走集。蓋四方必爭之地也。天下當無事。則已有  
事。則洛陽必先受兵。予故嘗曰。洛陽之盛衰。天下治  
亂之候也。唐正觀開元之間。公卿貴戚。開館列第於  
東都者。號千有餘邸。及其亂離。繼以五季之酷。其池  
塘竹樹。兵車蹂躪。廢而為丘墟。高亭大榭。烟火焚燎。  
化而為灰燼。與唐共滅而俱亡。無餘處矣。予故嘗曰。  
園囿之興廢。洛陽盛衰之候也。且天下之治亂。候於  
洛陽之盛衰。而知洛陽之盛衰。候於園囿之興廢。而



古文不遇三  
百字而其中  
該括無限

得則名園記之作予豈徒然哉嗚呼公卿大夫方進  
於朝放乎一已之私自爲之而忘天下之治忽欲退  
享此得乎唐之末路是已

謝枋得曰名園特游觀之末今張大其事恢廣其意  
謂園囿之興廢乃洛陽盛衰之候洛陽之  
盛衰乃天下治亂之候是至小之物關係  
至大有學有識方有此文

張以忠曰盛衰之感慨想無限士大夫有世道責者  
世值清平當思憂危至計無徒放乎一已  
之私園囿之樂亦可常享無斁讀終神悚



歐陽修辨杜韓范富書

慶曆五年范仲淹富弼罷杜衍好薦引賢士羣小咸怨御史中丞王洪宸之賞尤嫉之因事傾各士十餘人行不自安求去亦尋罷韓琦以三人既去上疏訟之不報遂懇求補外亦罷于是歐陽修上疏云云羣邪忌修尋左遷知滁州

臣聞士不忘身不為忠言不逆耳不為諫故臣不避羣邪切齒之禍敢干一作昌一人難犯之顏惟賴聖明一作察臣愚懇四字一作幸加省察臣伏見杜衍韓琦范仲淹富弼等皆是陛下素所親一作委任之臣一旦相繼罷去一作罷黜天下之士皆共一作素知其有可用之賢而不聞其有可罷之罪臣雖供職四字一作臣職雖在外事不審一作盡知然臣竊見自古小人讒害忠賢其說一作識不遠欲廣陷良善則不過指為朋黨欲動搖大臣則必須誣以專權其故何也夫去一善人而眾善人



朋黨專權曰

字說盡古今

陷害忠良之

本

曲盡小人傾

陷君子之術

而文亦婉至

巽言動聽

尚在則未為小人之利欲盡去之則善人少過難為

一一一作求瑕惟有指以為朋六字一作惟指以為朋黨則可一

時盡逐至如自古一無此二字大臣已被主知二字一作知遇而

蒙信任者一字則難則二字一作不可以他事動搖惟有專權

是上二字一作是人主之所惡必須此語一作故方可傾之

臣料衍等四人皆蒙陛下聖恩最厚而忽一時逐去

十四字一作各無弼與仲淹荷陛下一無此三字委任尤

大過而一時盡逐深而忽遭離間臣謂必有小人六字一作必有以朋黨專權

之說上惑聖聰者此一字臣請試辨之四字一作試詳言之昔年

仲淹初以忠言讜議一作論聞于中外天下賢士爭相



又如此轉入  
蓋豈可聽

此段正說四

臣不為明當

情事瞭然大

足破人主之

疑

徑引前年數  
事作一折証

稱慕當時姦臣誣作朋黨猶難辨明自近年一作日陛

下擢此數人竝在兩府察其臨事可見其不為朋黨

也八字一作蓋杜一字無衍為人清慎而謹守規矩仲

淹則恢廓自信而不疑琦則純正而質直弼則明敏

而果銳四人為性既各不同一作皆雖同一作歸于盡忠而

其所見各異于議事之際故多不相從十字一作故

相從至其杜衍欲深罪滕宗諒仲淹則力請一作則寬

之仲淹謂契丹必攻河東請急修邊備富弼則一無

料以九事力言契丹必不來又一作如尹洙亦號仲

淹之黨及爭水落一作城事韓琦則是尹洙而非劉



滬仲淹則是劉滬而非尹洙。此數事尤一有為字彰著。陛

下素所一作已知者。此四臣一作人者。可謂天下至公四字

殿上相爭如虎下殿不失

一作公正之賢臣也。平日閑居則相稱美之不暇。及一無此字

和氣公忠為國心事自是

為國議事則公言廷諍而不一作無私。以此而言臣見

如此

行等四人一無此二字真得漢史所謂忠臣一有字不和之

節而小人讒為朋黨。可謂誣矣。夫夫字一作臣聞有國之權

誠非臣下之一作所得專也。然一無此臣竊思仲淹等自

倒一倒說皆是感發人主

入兩府已一作以來不見其專權之迹。而但見其善避

權也。權者二字一作夫權得名位則可行。故好一作行權之臣

機權

必貪一有名字位。自陛下召琦與仲淹于陝西。琦等讓至



此段正說不  
是事權

歷言其不貪  
名位可見其  
不為利疚

何等婉折

五六陛下亦五六召之

一有至如二字

富弼三命學士兩命

樞密副使每一命皆再三懇讓讓者愈切陛下用之

愈堅

皆再至愈堅十五字一作未嘗不懇讓懇讓之者愈切而陛下用之愈堅此天下之人所共知

臣

一有但字

見其避讓太繁不見其好

一作專

權貪位也及

陛下堅不許辭方敢受命然猶未敢別有所為陛下

見其皆未作

一作行

事

六字一作欲其作事

乃特

一無特字

開天章召

而賜坐受

一作授

以紙筆使其條事

一作列

然眾人避讓

不敢下筆弼等亦不敢獨有所述因此又煩聖慈特

出手詔指定姓名專責弼等

二字一作其

條列大事而施

行

二字一作行之

弼等遲回又近

二字一作近及

一月方敢略條數



說二臣作用  
最是真切冀  
其一悟

所以開導人  
主者至矣而  
文法文情又  
稱獨絕  
皆是解釋專  
權之語

事○然○此一無仲淹深一作練世事○必知凡百難○猛一作

難更張○故其所陳○志在遠大○而多若迂緩○但欲漸而

行之○以久○冀皆有效○弼性雖銳○然亦此一無不敢自出

意見○但多此一無舉祖宗故事○請陛下擇而行之○自古

君臣相得○一言道合○遇事便行○臣方怪弼等蒙陛下

如此堅意委任○遇事至委任十八字一作遇事而行

督責丁寧○而猶遲緩○自疑作事不果然○小人巧譖已

一作曰專權者○豈不誣哉○至如兩路宣撫○聖一作朝

常一作遣大臣○况自中國之威○近年不振○故元昊叛

逆一方○而勞困及于天下○北虜乘釁違盟○而動其書



二臣兵間事  
績帝所深知  
故復舉此以  
見其功在本  
朝志存尊主  
忠貞不二自  
當洞鑒何竟  
傾陷于羣小  
一時並去耶

慷慨切直而  
詞氣愈溫聲  
色愈和

辭侮慢至有貴國二字一作貴祖宗之言陛下憤耻雖深  
但以邊防無備未可與爭屈志一作意買和莫大之辱  
弼等見中國累年侵凌之患感陛下不次進用之恩  
故各自請行力思雪國家之前耻八字一作力思雪耻沿一作緣  
山傍海不憚勤勞欲使武備再修國威復振臣見弼  
等用心本欲尊陛下威權以禦四夷未見其侵權而  
作過也伏惟陛下睿哲聰明有知人之聖臣下能否  
洞見不遺故于千官百辟之中特一作親選得此數人  
驟加擢用夫正士在朝羣邪所忌謀臣不用敵國之  
福也今此數人一旦罷去而使羣邪相賀於一作內



然亦痛切極矣

又得此一段議論最善幹

旋

如弼與琦正  
是天與陛下  
經營之人

激而不厲

四夷相賀於一作于外此臣所一有以字為陛下惜之一無此字

也伏惟陛下聖德仁慈保全忠善退去之際恩禮各

優今仲淹四路之任亦不輕矣惟一無此字願陛下拒絕

羣謗委任一作信不疑使盡其所為猶有裨補方今西

北二虜交爭未已正是天與陛下經營之時如弼與

琦豈可置之閑處伏望陛下一無此二字早辨讒巧特加

圖任則不勝幸甚臣自前歲召入諫院十月之內七

受聖恩而致身兩制方一作常思君一作榮寵至深未知

報效之所今羣邪爭進讒巧一有而字正士繼去朝廷乃

臣忘身報國之秋一作時豈可緘言而避罪敢竭愚瞽



惟陛下擇之

樓

昉曰辨君子朋黨大臣專權曲盡其情足以轉

移人主心術之微彌縫國政之闕

張以忠曰朋黨專權小人傾陷君子實不外此二端  
然泛陳四臣公忠爲國安所憑據惟就平  
日立朝事跡一一折証辨明令主上洞鑒  
無疑然後忠邪立見其詞旨溫醇異婉不  
戇不激告君者當以爲法



古今文苑

卷三

三



論臺諫言事未蒙聽允書

好疑自用悞  
諫之根下面  
反覆開諭皆  
不越此意

轉折虛婉

臣聞自古有天下者莫不欲爲治君而常至於亂莫  
不欲爲明主而常至於昏者其故何哉患於好疑而  
自用也夫疑心動於中則視聽惑於外視聽惑則忠  
邪不分而是非錯亂是非錯亂則舉國之外皆可疑  
盡疑其臣則必自用其所見夫以疑惑錯亂之意而  
自用則多失一字失則其國之忠臣必以理而爭之  
爭之不切則人主之意難回爭之切則激其君之怒  
心而堅其自用之意然後君臣爭勝於是邪佞之臣  
得以因隙而入希旨順意以是爲非以非爲是惟人



意甚愷切而  
敷詞甚婉今  
人主讀之但  
覺其警醒不  
覺其激昂

再醒一句

主之所欲者從而助之。夫爲人主者方與其臣爭勝。而得順意之人樂其助已而忘其邪佞也。乃與之并力以拒忠臣。夫爲人主者拒忠臣而信邪佞。天下無不亂。人主無不昏也。自古人主之用心非惡忠臣而喜邪佞也。非惡治而好亂也。非惡明而欲昏也。以其好疑自用而與下爭勝也。使爲人主者豁然去其疑心而回其自用之意。則邪佞遠而忠言入。忠言入則聰明不惑。而萬事得其宜。使天下尊爲明主。萬世仰爲治君。豈不臣主俱榮而樂哉。與其區區自執而與臣下爭勝。用心益勞而事益惑者。相去遠矣。臣聞書



語意從陸宣公奏議來

只一月頭已足使主心轉

載仲虺稱湯之德曰。改過不悛。又戒湯曰。自用則小。成湯古之聖人也。不能無過。而能改過。此其所以爲聖也。以湯之聰明。其所爲不至於繆戾矣。然仲虺猶戒其自用。則自許人主。惟能改過。而不敢自用。然後得爲治。君明主也。臣伏見宰臣陳執中。自執政以來。不叶人望。累有過惡。招致人言。而執中遷延尚玷宰府。陛下憂勤恭儉。仁愛寬慈。堯舜之用心也。推陛下之用心。天下宜至於治者久矣。而紀綱日壞。政令日乖。國日益貧。民日益困。流民滿野。濫官滿朝。其亦何爲而致此。皆一作繇陛下用相不得其人也。近年宰相



千古大弊然  
正恐宰相專

權言官卷舌  
若言官能劾

宰相當時尚  
有公論

事委曲

多以過失因言者罷去陛下不悟宰相非其人反疑  
言事者好逐宰相疑心一生視聽既惑遂成自用之  
意以謂宰相當繇人主自去不可因言者而罷之故  
宰相雖有大惡顯過而屈意以容之彼雖惶恐自欲  
求去而屈意以留之雖天災水旱饑民流離死亡道  
路皆不暇顧而屈意以用之其故非他直欲沮言事  
者爾言事者何負於陛下哉使陛下上不顧天災下  
不恤人言以天下之事委一不學無識諂邪狠愎之  
執中而甘心焉言事者本欲益於陛下而反損聖德  
者多矣然而言事者之用心本不圖至於此也繇陛



透徹

揣情事深曲

委婉曲折沁  
人心腑

下好疑自用而自損也。今陛下用執中之意益堅言  
事者攻之愈切。陛下方思有以取勝於言事者而邪  
佞之臣得以因隙而入。必有希合陛下之意者。將曰  
執中宰相不可以小事逐。不可使小臣動搖。甚者則  
誣言事者欲逐執中而引用他人。陛下方患言事者  
上忤聖聰。樂聞斯言之順意。不復察其邪佞而信之。  
所以拒言事者益峻。用執中益堅。夫以萬乘之尊與  
三數言事小臣角。必勝之力。萬一聖意必不可回。則  
言事者亦當知難而止矣。然天下之人與後世之議  
者。謂陛下拒忠言。庇愚相。以陛下爲何如主也。前日



此等語得毋  
爲黨邪害正  
者藉口

逢君之語亦  
過激

歸咎言官自  
足感動人主

御史論梁適罪惡。陛下赫怒。空臺而逐之。而今日御  
史又復敢論宰相。不避雷霆之威。不畏權臣之禍。此  
乃至忠之臣也。能忘其身而愛陛下者也。陛下嫉之  
惡之。拒之絕之。執中爲相。使天下水旱流亡。公私困  
竭。而又不學無識。憎愛挾情。除改差繆。取笑中外。家  
私穢惡。流聞道路。阿意順旨。專事逢君。此乃諂上傲  
下。懷戾之臣也。陛下愛之重之。不忍去之。陛下睿智  
聰明。羣臣善惡。無不照見。不應倒置如此。直繇言事  
者太切。而激成陛下之疑惑。爾執中不知廉耻。復出  
視事。此不足論。陛下豈忍因執中上累聖德。而使忠



一結收拾無餘

臣直士卷舌於明時也。臣願陛下廓然回心。釋去疑慮。察言事者之忠。知執中之過惡。悟用人之非法。成湯改過之聖。遵仲虺自用之戒。盡以御史前後章疏。出付外廷。議正執中之過惡。罷其政事。別用賢材。以康時務。以拯斯民。以全聖德。則天下幸甚。臣以身叨恩遇。識在論思。意切言狂。罪當萬死。

唐順之曰。空引後節。節應前。

張以忠曰。說入情事。委曲透徹。既覺婉摯。仍復緊醒。真所謂法與互用者。







上范司諫書

永叔此書最  
平正有眼目  
筋骨前後貫  
串錯綜抑揚  
處筆意最高  
此是一篇主  
意綱目

關鍵

自外面說兩  
段來映得諫  
官大

月日具官謹齋沐拜書司諫學士執事。前月中得進  
奏吏報云。自陳州召至闕。拜司諫。即欲爲一書以賀。  
多事匆卒未能也。起不司諫七品官爾于執事得之  
不爲喜。而獨區區欲一賀者。誠以諫官者。天下之得  
失一時之公議係焉。今世之官。自九卿百執事外。至  
一郡縣吏。非無貴官大職。可以行其道也。然縣越其  
封郡逾其境。雖賢守長。不得行。以其有守也。吏部之  
官。不得理兵部鴻臚之卿。不得理光祿。以其有司也。  
若天下之得失生民之利害社稷之大計。惟所見聞。



以宰相比諫官又見得諫官大

此最筋節警策處

非十分見得如何有此語

句

曰坐曰立曰

廟堂曰殿陛

曰論可否曰

爭是非更移

不得隱然見

有尊卑之辨

言行道亦行

正見諫官與

宰相等

而。不。繫。職。司。者。獨。宰。相。可。行。之。諫。官。可。言。之。爾。故。士  
學。古。懷。道。者。仕。于。時。不。得。為。宰。相。必。為。諫。官。諫。官。雖  
卑。與。宰。相。等。天。子。曰。不。可。宰。相。曰。可。天。子。曰。然。宰。相  
曰。不。然。坐。乎。廟。堂。之。上。與。天。子。相。可。否。者。宰。相。也。天  
子。曰。是。諫。官。曰。非。天。子。曰。必。行。諫。官。曰。必。不。可。行。立  
于。殿。陛。之。前。與。天。子。爭。是。非。者。諫。官。也。宰。相。尊。行。其  
道。諫。官。卑。行。其。言。言。行。道。亦。行。也。九。卿。百。司。郡。縣。之  
吏。守。一。職。者。任。一。職。之。責。宰。相。諫。官。係。天。下。之。事。亦  
任。天。下。之。責。然。宰。相。九。卿。而。下。失。職。者。受。責。于。有。司。  
諫。官。之。失。職。也。取。譏。于。君。子。有。司。之。法。行。乎。一。時。君。



此上提諫官之重以下特議諫官之可懼此見諫官闕係又重于宰相七品之官數句應篇首一句材賢二字又起下作過文歐陽公安頓一句甚有力量此設士大夫屬望之語以諷其諫將執事有待而為句是裕其意而非之

子○之○譏○著○之○簡○冊○而○昭○明○垂○之○百○世○而○不○泯○甚○可○懼○也○夫○七○品○之○官○任○天○下○之○責○懼○百○世○之○譏○豈○不○重○邪○非○材○且○賢○者○不○能○也○近○執○事○始○被○召○于○陳○州○洛○之○士○大○夫○相○與○語○曰○我○識○范○君○知○其○材○也○其○來○不○為○御○史○必○為○諫○官○及○命○下○果○然○則○又○相○與○語○曰○我○識○范○君○知○其○賢○也○他○日○聞○有○立○天○子○陛○下○直○辭○正○色○面○諍○廷○論○者○非○他○人○必○范○君○也○拜○命○以○來○翹○首○企○足○竚○乎○有○聞○而○卒○未○也○竊○惑○之○豈○洛○之○士○大○夫○能○料○于○前○而○不○能○料○于○後○也○將○執○事○有○待○而○為○也○昔○韓○退○之○作○諍○臣○論○以○譏○陽○城○不○能○極○諫○卒○以○諫○顯○人○皆○謂○城○之○不○諫○蓋○



且承上校丁甚有力

此段論陽城

事最切

說得破

精神都在幸而向使兩轉上

從退之作論生許多話更不會斷

有○待○而○然○退○之○不○識○其○意○而○妄○譏○修○獨○以○爲○不○然○當○  
退○之○作○論○時○城○爲○諫○議○大○夫○已○五○年○後○又○二○年○始○廷○  
論○陸○贄○及○沮○裴○延○齡○作○相○欲○裂○其○麻○纔○兩○事○耳○當○德○  
宗○時○可○謂○多○事○矣○授○受○失○宜○叛○將○強○臣○羅○列○天○下○又○  
多○猜○忌○進○任○小○人○于○此○之○時○豈○無○一○事○可○言○而○須○七○  
年○耶○當○時○之○事○豈○無○急○于○沮○延○齡○論○陸○贄○兩○事○耶○謂○  
宜○朝○拜○官○而○夕○奏○疏○也○幸○而○城○爲○諫○官○七○年○適○遇○延○  
齡○陸○贄○事○一○諫○而○罷○以○塞○其○責○向○使○止○五○年○六○年○而○  
遂○遷○司○業○是○終○無○一○言○而○去○也○何○所○取○哉○今○之○居○官○  
者○率○三○歲○而○一○遷○或○一○二○歲○甚○者○半○歲○而○一○遷○此○又○



此段言雖不若德宗之多事亦當言也

不傷時而有言皆

此一設合人情范公見之必感動而其文辭轉折尤工

收拾前勢尤雄健

非○可○以○待○乎○七○年○也○今○天○子○躬○親○庶○政○化○理○清○明○雖○  
為○無○事○然○自○千○里○詔○執○事○而○拜○是○官○者○豈○不○欲○聞○正○  
議○而○樂○讜○言○乎○今○未○聞○有○所○言○說○使○天○下○知○朝○廷○有○  
正○士○而○彰○吾○君○有○納○諫○之○明○也○夫○布○衣○韋○帶○之○士○窮○  
居○草○茅○坐○誦○書○史○常○恨○不○見○用○及○用○也○又○曰○彼○非○我○  
躬○不○敢○言○或○曰○我○位○猶○卑○不○得○言○得○言○矣○又○曰○我○有○  
待○是○終○無○一○人○言○也○可○不○惜○哉○伏○惟○執○事○思○天○子○所○  
以○見○用○之○意○懼○君○子○百○世○之○譏○一○陳○昌○言○以○塞○重○望○  
且○解○洛○士○大○夫○之○惑○則○幸○甚○幸○甚○

樓 昉曰此文出于韓退之諍臣論之後亦頗祖其



遺意而文字無一語重疊真是可與爭衡  
邵 實曰歐公嘗言作文之體初當奔駟久當搏節  
簡重嚴正或時放肆以自舒勿爲一體則  
善矣觀上范司諫書是何等嚴正何等舒  
放

張以忠曰急緩合度操縱入神中間名語奇思出之  
疊疊自有一種瑩然之光淵然之色尋索  
不盡



答吳充書

學文不歸于道其文必不工故古之立言者文章光天壤歷萬世無敝未嘗以文名者道充而氣隨之也君子無患文之不至但患道之不足何徒自溺于文爲也哉

前辱示書及文三篇。發而讀之。浩浩乎若干萬言之多。及少定而視焉。纔數百言爾。非夫辭豐意雄。需然有不可禦之勢。何以至此。然猶自患倻倻然。莫有開之使前者。此好學之謙言也。脩才不足用於時。仕不足榮於世。其毀譽不足輕重。氣力不足動人。世之欲假譽以爲重。借力而後進者。奚取於脩焉。先輩學精文雄。其施於時。又非待脩譽而爲重。力而後進者也。然而惠然見臨。若有所貴。得非急於謀道。不擇其人而問焉者歟。夫學者未始不爲道。而至者鮮焉。非道。



此歐陽公得  
力後剖分

原本之論非  
真見道者不  
能道

之於人遠也。學者有所溺焉耳。蓋文之爲言難工而  
可喜易悅而自足。世之學者往往溺之。一有工焉則  
曰吾學足矣。甚者至棄百事不關於心。曰吾文士也  
職於文而已。此其所以至之鮮也。昔孔子老而歸魯  
六經之作數年之頃耳。然讀易者如無春秋。讀書者  
如無詩。何其用力少而至於至也。聖人之文雖不可  
及。然大抵道勝者文不難而自至也。故孟子皇皇不  
暇著書。荀卿蓋亦晚而有作。若子雲仲淹方勉焉以  
模言語。此道未足而強言者也。後之惑者徒見前世  
之文傳以爲學者文而已。故愈力愈勤而愈不至。此



收前又安頓  
自家地步

足下所謂終日不出於軒序不能縱橫高下皆如意者道未足也若道之充焉雖行乎天地入于淵泉無不之也先輩之文浩乎霈然可謂善矣而又志於爲道猶自以爲未廣若不止焉孟荀可至而不難也脩學道而不至者然幸不甘於所悅而溺於所止因吾子之能不自止又以勵脩之少進焉

茅 坤曰論爲文本乎學道道勝者文不難而自至最是確論

張以忠曰此書及送徐無黨文俱是歐公自說學問得力處故其議論洞徹原本闢乎至極



古今文系

卷三

三



朋黨論

歐公朋黨論法  
至嚴而語至  
易至嚴所以  
別君子至易  
所以見忠誠  
剛正歐公之  
文前儒所未  
有也  
此篇多垂世  
名言  
小人無朋和  
心之言  
歐陽修論事  
切直人視之  
如仇帝獨獎  
異之看至此  
謂侍臣曰如  
歐陽修者何

臣聞朋黨之說自古有之。惟幸人君辨其君子小人而已。此三句是一篇主意大凡君子與君子以同道為朋，小人與小人以同利為朋，此自然之理也。然臣謂小人無朋，惟君子則有之。此轉最妙其故何哉？小人所好者利祿也，所貪者貨物也。當其同利之時，暫相黨引以為朋者，偽也。說小人無朋又生為朋二字方妙及其見利則爭先，或利盡者，偽也。則交疎甚者，反相賊害。雖其兄弟親戚，不能相保。故臣謂小人無朋，其暫為朋者，偽也。君子則不然，所守者道義，所行者忠信，所惜者名節。以之修身，則同道



處得來

此以堯舜分  
言專言治

以下引証辨  
論文法最妙

紂與武王合  
言之治亂相

間

而相益以之事國則同心而共濟終始如一此君子  
 之朋也故為人君者但當退小人之偽朋用君子之  
 真朋則天下治矣堯之時小人共工驩兜等四人為  
 一朋君子八元八凱十六人為一朋蒼舒隕凱禱戲  
大臨麗降庭堅  
 仲容叔達謂之八凱伯奮仲堪叔獻  
 季仲伯虎仲熊叔豹季狸謂之八元舜佐堯退四凶  
 小人之朋而進元凱君子之朋堯之時天下大治及  
 舜自為天子而臯夔稷契二十二人竝列于朝更相  
 稱美更相推讓凡二十二人為一朋而舜皆用之天  
 下亦大治書曰紂有臣億萬惟億萬心周有臣三千  
 惟一心紂之時億萬人各異心可謂不為朋矣然紂



翻前通上力  
為洗發

漢唐去君子  
之朋

此以漢唐分  
言專言亂

反振尤醒

錯落可誦

以此亡國周武王之臣三千人為一大朋而周用以

興後漢獻帝時盡取天下名士囚禁之目為黨人之

黨鋼有三君八俊八顧八及八厨及黃巾賊起

室大亂後方悔悟桓靈獻三朝盡解黨人而釋之然已無

救矣唐之晚年漸起朋黨之論前乎李德裕之黨多君子牛僧孺之黨多

小人謂之及昭宗時盡殺朝之名士或投之黃河曰

此輩清流可投濁流而唐遂亡矣朱全忠時盡殺黨人于白馬驛夫

前世之主能使人異心不為朋莫如紂能禁絕善人

之朋莫如漢獻帝能誅戮清流之朋莫如唐昭宗之

世然皆亂亡其國天子看到此三句豈不感悟更相稱美推讓而



繳前舜與武  
王二段尤有  
力

只三句結絕  
妙

不自疑莫如舜之二十二人舜亦不疑而皆用之然  
而後世不誚舜爲二十二人朋黨所欺而稱舜爲聰  
明之聖者以其能辨君子與小人也周武之世舉其  
國之臣三千人共爲一朋自古爲朋之多且大莫如  
周然周繇此而興者人雖多而不厭也嗟乎治亂興  
亡之迹爲人君者可以鑒矣

呂祖謙曰風骨俱全

茅坤曰忠言讜論破千古人君之疑大類劉向諫

昌陵疏

張以忠曰反覆辨論變化頓挫極其奇暢



本論上

韓之原道歐之本論均從

孟子經正來

發揮闡揚而

立言正大凌

厲千古足以

方駕並驅坡

公云韓如美

玉歐如精金

韓如天馬歐

如馱駟洵矣

正說主意應

前受病之說

此應前氣實之說

佛法爲中國患千餘歲。世之卓然不惑而有力者。莫不欲去之。已嘗去矣。而復大集。攻之暫破。而愈堅。撲之未滅。而愈熾。遂至于無可奈何。是果不可去耶。蓋亦未知其方也。夫醫者之于疾也。必推其病之所自來。而治其受病之處。病之中人。乘乎氣虛而入焉。則善醫者不攻其疾。而善養其氣。氣實則病去。此自然之效也。故救天下之患者。亦必推其患之所自來。而治其受患之處。佛爲夷狄。去中國最遠。而有佛固已久矣。堯舜三代之際。王政修明。禮義之教。克于天下。



應前氣虛又  
應前受惠之

說

是有識

與前自然之  
効相應

開上下兩扇

詳言得失之

由與前兩段

相應

筋脉語

于此之時雖有佛無由而入及三代衰王政缺禮義  
廢後二百餘年而佛至中國由是言之佛所以爲吾  
患者乘其缺廢之時而來此其受惠之本也補其缺  
修其廢使王政明而禮義克則雖有佛無所施于吾  
民矣此亦自然之勢也昔堯舜三代之政設爲井田  
之法籍天下之人計其口而皆授之田凡人之力能  
勝耕者莫不有田而耕之歛以什一差以征賦以督  
其不勤使天下之人力皆盡于南畝而不暇乎其他  
然猶懼其勞且怠而八于邪僻也于是爲制牲牢酒  
醴以養其體絃匏俎豆以悅其耳目于其不耕休力



類。獨。因。字。順。  
字。勸。誘。字。即。  
所。謂。使。自。得。  
之。也。發。明。三。  
代。禮。義。之。教。  
甚。有。步。驟。

兩。次。下。然。猶。  
俱。其。數。字。見。  
防。民。之。周。誘。  
民。之。篤。所。以。  
民。不。暇。乎。其。  
他。而。佛。無。自。  
入。

之。時。而。教。之。以。禮。故。因。其。田。獵。而。為。蒐。狩。之。禮。因。其。  
嫁。娶。而。為。婚。姻。之。禮。因。其。死。葬。而。為。喪。祭。之。禮。因。其。  
飲。食。羣。聚。而。為。鄉。射。之。禮。非。徒。以。防。其。亂。又。因。而。教。  
之。使。知。尊。卑。長。幼。凡。人。之。大。倫。也。故。凡。養。生。送。死。之。  
道。皆。因。其。欲。而。為。之。制。飾。之。物。采。而。文。焉。所。以。悅。之。  
使。其。易。趣。也。順。其。情。性。而。節。焉。所。以。防。之。使。其。不。過。  
也。然。猶。懼。其。未。也。又。為。立。學。以。講。明。之。故。上。自。天。子。  
之。郊。下。至。鄉。黨。莫。不。有。學。擇。民。之。聰。明。者。而。習。焉。使。  
相。告。語。而。誘。勸。其。愚。情。嗚。呼。何。其。備。也。蓋。堯。舜。三。代。  
之。為。政。如。此。其。慮。民。之。意。甚。精。治。民。之。具。甚。備。防。民。



正所謂民不暇乎其他  
以上申前在政修明則佛無由入意結  
上一扇  
應前乘闕度而來之說

之術甚周。誘民之道甚篤。行之以勤。而被于物者。洽。浸之以漸。而入于人者。深。故民之生也。不用力乎南。畝。則從事于禮樂之際。不在其家。則在乎庠序之間。耳聞目見。無非仁義禮樂。而趣之。不知其倦。終身不見異物。又奚暇。夫外慕哉。故曰。雖有佛。無由而入者。謂有此具也。及周之衰。秦并天下。盡去三代之法。而王道中絕。後之有天下者。不能勉強而為治之具。不備。防民之術。不周。佛于此時乘間而出。千有餘歲之間。佛之來者。日益眾。吾之所為者。日益壞。井田最先廢。而兼井遊惰之奸起。其後所謂蒐狩婚姻喪祭鄉。



結下扇

此段見治具  
不備防民不  
周又有倡而  
驅之者幾何  
不胥而為佛  
也

斷以本之一  
字

射之禮○凡所以教民之具○相次而盡○廢然後民之奸○  
者有暇而為他○其良者泯然不見○禮義之及已○夫奸○  
民有餘力○則思為邪僻○良民不見禮義○則莫知所趣○  
佛于此時而乘其隙○方鼓其雄誕之說而牽之○則民○  
不得不從而歸之矣○又況王公大人○往往唱而驅之○  
曰佛是真可歸依者○然則吾民何疑而不歸焉○幸而○  
有一不惑者○方輒然怒曰○佛何為者○吾將操戈而逐○  
之○又曰○吾將有說以排之○何其不思之甚也○夫千歲○  
之患○徧于天下○豈一人一日之可為民之沉酣入于○  
骨髓○非口舌之可勝然○則將奈何○曰○莫若修其本○以○



引古事證

勝之昔戰國之時楊墨交亂孟子患之而專言仁義

故仁義之說勝則楊墨之學廢漢之時百家並興董

一篇主意安頓在此

生患之而退修孔子之道孔子之道明而百家自息

應上段

此所謂修其本以勝之之效也今八尺之夫被甲荷

又引目前事證

戟勇蓋三軍然而見佛則拜聞佛之說則有畏慕之

誠者何也彼誠壯狡其中心茫然無所守而然也一

介之士眇然柔懦進趨畏怯然而聞有道佛者則義

形于色非徒不爲之屈又欲驅而絕之者何也彼無

禮義二字與前相應

他焉學問明而禮義熟中心有所守以勝之也然則

又斷

禮義者勝佛之本也今一介之士知禮義尚能不爲



語蓋有力前  
後六個勝字  
相應結句又  
與前自然之  
勢相應

之屈使天下皆知禮義則勝之矣此自然之勢也

林希元曰佛教行于中國實因三道之衰昔周盛時  
民二十以上俱受田游惰者有罰大司徒  
以三物教萬民自卿大夫至閭閻胥歲時屬  
民讀法奇袤左道者有禁是時佛法何繇  
而入今欲去釋氏而不行先王之政雖堯  
舜禹湯復生亦有未能者歐公之論不爲  
無見視原道人其人廬其居火其書過之  
遠矣

張以忠曰修本而勝最得闢佛本領氣實氣虛一喻



尤確

又曰先王之道大而難行佛氏之教久而難去  
爲今日世道計莫若禁天下擅立寺觀私  
度髡流以至聚徒熒煽惑世誣民者一切  
繩之以法俾不得實蕃有徒則自然日就  
消落不敢與吾道爭權如聽其自昌自熾  
于天地間而希必世後仁之化乃曰吾將  
修本以勝之其可幾乎此又司世教者所  
當知



春秋論

歐公作春秋論最得春秋之法蓋公學春秋于胡瑗孫明復故褒貶謹嚴雖司馬子長無以復加三子之說不攻自破就中輒字侮字破約言語兩疑其辭左右攔說應前冒頭春秋用法不如是之輕易句

弑逆大惡也其為罪也莫贖其于人也。不容其在法也。無赦法施于人。雖小必謹。況舉大法而加大惡乎。既輒加之。又輒赦之。則自侮其法。而人不畏。春秋用法。不如是之輕易也。三子說春秋。左丘明公羊高穀梁赤。書趙盾以不討賊。故加大惡。而以盾非實弑。則又復見乎經。以明盾之非罪。是輒加之。而輒赦之。爾以盾為無弑心乎。其可輕以大惡加之。以盾不討賊。情可責而宜加之乎。則其後頑然未嘗討賊。既不改過。以自贖。何為遽赦。使同無罪之人。其于進退皆不可。此非



句法警策

此申上非春秋意也一句

此一段將士免疑似辨說

只說疑似當

辨而謂春秋

于大惡必不

使得幸免則

盾之罪自見

反覆詳悉曲

盡其妙

春秋意也。趙穿弑君大惡也。盾不討賊不能爲君復讐而失刑于下。二者輕重不較可知。就使盾爲可責然穿馬得勉也。今免首罪爲善人使無辜者受大惡此決知其不然也。春秋之法使爲惡者不得幸免疑似者有所辯明此所謂是非之公也。據三子之說初靈公欲殺盾盾走而免穿盾族也遂弑公而盾不討其迹涉于與弑矣此疑似難明之事聖人尤當求情責實而明白之使盾果有弑心乎則自然罪在盾矣不得曰爲法受惡而稱其賢也使果無弑心乎則當爲之辯明必先正穿之惡使罪有所歸然後責盾縱



以上復申非  
春秋意也一  
句意

復申非春秋  
意也一句

辨駁到無復

遺憾足破千

古不決之疑

復申非春秋

意也一句

上四五段教

他無逃處此

方說正題

賊○則○穿○之○大○惡○不○可○幸○而○免○盾○疑○似○之○迹○獲○辯○而○不○  
討○之○責○亦○不○得○辭○如○此○則○是○非○善○惡○明○矣○今○爲○惡○者○  
獲○免○而○疑○似○之○人○陷○于○大○惡○此○決○知○其○不○然○也○若○曰○  
盾○不○討○賊○有○幸○弑○之○心○與○自○弑○同○故○寧○捨○穿○而○罪○盾○  
此○乃○逆○詐○用○情○之○吏○矯○激○之○爲○爾○非○孔○子○忠○恕○春○秋○  
以○王○道○治○人○之○法○也○孔○子○患○舊○史○是○非○錯○亂○而○善○惡○  
不○明○所○以○修○春○秋○就○令○舊○史○如○此○其○肯○從○而○不○正○之○  
乎○其○肯○從○而○稱○美○又○教○人○以○越○境○逃○惡○乎○此○可○知○其○  
謬○傳○也○問○者○曰○然○則○夷○皐○就○弑○之○曰○孔○子○所○書○是○矣○  
趙○盾○弑○其○君○也○今○有○一○人○焉○父○病○躬○進○藥○而○不○嘗○又○



此段辨得理  
尤勝以父病  
進藥事來說  
是欲帶說許  
世子弑君之  
事

孔子  
三子

有一人焉。父病而不躬進藥。而二父皆死。又有一人  
焉。操刃以殺其父。使吏治之。是三人者。其罪同乎。曰  
雖庸吏。猶知其不可同也。躬藥而不嘗者。有愛父之  
心。而不習于禮。是可哀也。無罪之人。爾不躬進藥者。  
誠不孝矣。雖無愛親之心。未有弑父之意。使善治獄  
者。蔽之。猶當與操刃殊科。況以躬藥之孝。反與操刃  
者。同其罪乎。此庸吏之所不為也。然則許世子止。實  
不嘗藥。則孔子決不書。曰弑君。孔子書弑君。則止決  
非不嘗藥。難者曰。聖人借止以垂教耳。對曰。不然。夫  
所謂借止垂教者。不過欲人知嘗藥爾。聖人一言明。



反覆辨論明  
口正大真是  
不可移易

此合說趙吉  
許止而歸結  
乏

以告人則萬世法也何必加孝子以大惡之名又嘗  
藥之事卒不見于文使後世但知止爲弑君而莫知  
藥之當嘗也教未可垂而已陷人于大惡矣聖人垂  
教不如是之迂也果曰罪止不如是之刻也難者曰  
曷爲盾復見于經許悼公曷爲書葬曰弑君之臣不  
見經此自三子說爾果聖人法乎悼公之葬且安知  
其不討賊而書葬也自止以弑見經後四十年吳敗  
許師又十有八年當魯定公之四年許男始見于經  
而不名許之書于經者略矣止之事跡不可得而知  
也難者曰三子之說非其臆出也其得于所傳如此



此明三子所傳不可盡信  
有此一証絕  
無折得倒  
微結極好

然則所傳者皆不可信乎。曰傳聞何可盡信。公羊穀梁以尹氏卒爲正卿。左氏以尹氏卒爲隱母。一以爲男子。一以爲婦人。得于所傳蓋如此。是可盡信乎。林希元曰。歐公以弑君之罪坐盾是矣。但不曾說所以然處。出必若胡傳之說。始足以服其心。羅大經曰。歐公論趙盾許止事。正未明春秋之旨。微顯闡幽。若但直書其事。則夫人能矣。何爲游夏不能贊一辭哉。

茅

坤曰俊辯矣而識議復正

又曰又發次篇所未盡更洗發辨析前儒所未



有也

王世貞曰歐陽氏謂盾止實弑其言甚辯而精無以難也然知盾止之弑而不知其所弑也留爲盟主盾實執政三年間諸侯被弑者三而莫問也盾逐而穿弑亡不越境謀可推矣反而不討非不忍也是不能爲成濟解也董狐直而筆之婉而辭之盾故所欲受也止不啻藥罪亦湫矣國人胡爲疑之止又胡爲自疑以走也豈不章章見遂謀哉孔子因其赴推其情而不易其舊也然猶



微有可疑者春秋虞廷之爰書也曰罪疑  
惟輕曰與其殺不辜寧失不經是故見盾  
于會見買于葬使天下後世之爲惡者不  
得以文而飾詐其刑惡者亦不得以其文  
而飾怒也故曰微而顯志而彰其要卒歸  
于忠厚也

張以忠曰歐公此文議論警策辨詰精爽無懈可擊  
又曰歐公之旨得元美深六而益鬯但公穀二  
傳終不可廢則指止二事終是疑案况載  
許止事尤足深憫奈何必懸斷而臆決之



縱囚論

永叔文窮極古今變態如

卿雲從風卷舒萬狀不可

以常理待之也

下兩尤字精

神

結上二段分

說君子小人

又收得緊

此段為太宗

解說下字亦

有斟酌

信義行于君子而刑戮加于小人。刑入于死者。乃罪大惡極。此又小人之尤甚者也。寧以義死。不苟幸生。而視死如歸。此又君子之尤難者也。方唐太宗之六年。錄大辟囚三百餘人。縱使還家。約其自歸。以就死。是以君子之難能。責其小人之尤者。以必能也。其囚及期而卒自歸。無後者。是君子之所難。而小人之所易也。此豈近于人情哉。或曰。罪大惡極。誠小人矣。及施恩德以臨之。可使變而為君子。蓋恩德入人之深。而移人之速。有如是者矣。曰。太宗之為此。所以求此



一篇本意

此段尋常思

索不到尋常

筆力亦察不

出

緩緩說下方

說上下交相

賊語

前入太宗六

年了此又說

六年亦是重

叠格

反結上施恩

德之說文愈

壯愈緊

前不說堯舜

三王留在後

結辭盡而意

無盡

名也。然安知夫縱之去也。不意其必來。以冀免。所以縱之乎。又安知夫被縱而去也。不意其自歸而必獲免。所以復來乎。夫意其必來而縱之。是上賊下之情也。意其必免而復來。是下賊上之心也。吾見上下交相賊。以成此名也。烏有所謂施恩德與夫知信義者哉。不然。太宗施恩德于天下。于茲六年矣。不能使小人不為極惡大罪。而一日之恩。能使視死如歸。而存信義。此又不通之論也。然則何為而可。曰。縱而來歸。殺之無赦。而又縱之。而又來。則可知為恩德之致爾。然此必無之事也。若夫縱而來歸。而赦之。可偶一為。



先說聖人所  
以引入堯舜  
三王事


之○爾○若○屢○爲○之○則○殺○人○者○皆○不○死○是○可○爲○天○下○常○法○  
乎○不○可○爲○常○者○其○聖○人○之○法○乎○是○以○堯○舜○三○王○之○治○  
必○本○于○人○情○不○立○異○以○爲○高○不○逆○情○以○千○譽○

呂祖謙曰文最繁曲折辨論驚人險語精神聚處詞  
盡意未盡此篇反覆有血脉

茅  
坤曰文章紆徐婉曲說盡事理曲盡人情唯歐  
公得之

張以忠曰縱因一事原其隱微太宗原不可正告天  
下此文翻駁甚奇立論特正







此記盡出太  
平氣象  
太守之文

宋朝文字佳  
者最珍瓏秀

善脫不得一

弱字歐蘇皆

不免焉如王

之微過喚刻

曾之微過謹

嚴而弱微亦

見惟老泉雄

渾尚帶習氣

耳

序太祖平滁

之功雄偉壯

偉而敦厚悠

# 滁州豐樂亭記

修既治滁之明年夏始飲滁水而甘問諸滁人得于  
州南百步之外其上則豐山聳然而特立下則幽谷  
窈然而深藏中有清泉滃然而仰出俯仰左右顧而  
樂之于是疏泉鑿石闢地以為亭而與滁人往遊其  
間滁于五代于戈之際用武之地也昔太祖皇帝嘗  
以舟師破李景兵十五萬于清流山下生擒其將皇  
甫暉姚鳳于滁東門之外十五字為一句○生捉二  
滁州如此所遂以平滁修嘗考其山川按其圖記升  
謂用武之地高以望清流之關欲求暉鳳就擒之所而故老皆無



揚令人一唱  
三歎  
語多感慨又  
復開宕

對景懷古氣  
概悠然

掇幽芳為春  
景陰喬木寫

夏景風霜寫

秋景冰雪寫

夏景二句括

盡四景筆力

甚高

在○者○蓋○天○下○之○平○久○矣○自○唐○失○其○政○海○內○分○裂○豪○傑○  
竝○起○而○爭○所○在○為○敵○國○何○可○勝○數○及○宋○受○命○聖○人○出○  
而○四○海○一○向○之○憑○恃○險○阻○刻○削○消○磨○刻治削平百○年○  
之○間○漠○然○徒○見○山○高○而○水○清○欲○問○其○事○則○遺○老○盡○矣○  
今○滁○介○江○淮○之○間○舟○車○商○賈○四○方○賓○客○之○所○不○至○民○  
生○不○見○外○事○而○安○于○畎○畝○衣○食○以○樂○生○送○死○而○孰○知○  
上○之○功○德○休○養○生○息○涵○煦○于○百○年○之○深○也○修○之○來○此○  
樂○其○地○僻○而○事○簡○又○愛○其○俗○之○安○閑○既○得○斯○泉○于○山○  
谷○之○間○乃○日○與○滁○人○仰○而○望○山○俯○而○聽○泉○掇○幽○芳○而○  
蔭○喬○木○風○霜○冰○雪○刻○露○清○秀○峭刻呈露四○時○之○景○無○  
清爽秀麗



歐陽公醉翁亭記其與人同樂眷眷于山林之趣真可謂風流太守

不可愛又幸其民樂其歲物之豐而喜與遊也因為本其山川道其風俗之美使民知所以安其豐年之樂者幸生無事之時也夫宣上恩德以與民安樂刺史之事也遂書以名其亭焉

樓 昉曰不歸功於已而歸功於上最為得體叙于

戈用武以至平定休息施於滁則又着題詩也讀之使人興懷古之想

林希元曰此篇專歸功于上之功德第一節先叙滁之景以為亭第二節論滁為干戈用武之地第三節論聖宋平定之事第四節論民



生豐樂皆上之功德第五節論爲滁人立  
亭共享豐年之樂第六節論宣上意以與  
民同樂取以名亭

張以忠曰恬雅圓密氣脉雍和政從苦心烹鍊得來  
但人莫能識其鑪錘處



醉翁亭記

歐公文亦多是修改到妙

處只如醉翁

亭記原藁初

說滁州四面

有山凡數十

字未後改定

止曰環滁皆

山也五字而

已

山谷與何靜

翁書云或傳

荆公稱竹樓

記勝歐陽公

歐翁亭記或

曰此非荆公

之言也某以

為荆公出此

環也。滁地皆山也。其西南諸峰林壑尤美。望之蔚然

而深秀者。琅琊也。此一截。山行六七里。漸聞水聲。潺潺

而瀉。出于兩峰之間者。釀泉也。此一截。峰回路轉。

有亭翼然臨于泉上者。醉翁亭也。此一截。作亭者誰。

山之僧智僊也。名之者誰。太守自謂也。未說破。太守

與客來飲于此。飲少輒醉。而年又最高。故自號曰醉

翁也。此一節說作醉翁之意。不在酒。在乎山水之間。

也。山水之樂得之心而寓之酒也。此一截說其樂在

若夫日出而林霏開。雲歸而巖穴暝。晦明變化者。山



言未失也荆公評文章常

先體製而後工拙蓋觀蘓

瞻子醉曰堂記戲曰文辭

雖極工然不

是醉白堂記

乃是韓白優劣論耳以此

收之優竹樓而劣醉翁亭

記是荆公之言不疑也

醉翁是風月太守醉翁亭

記是一篇風月文章即施

之有政亦甚不妨事

間之朝暮也。野芳發而幽香。佳木秀而繁陰。風霜高

縈水落而石出者。山間之四時也。朝而往。暮而歸。四

時之景不窮。而樂亦無窮也。此一節說朝暮四時景

樂至於負者歌於塗。行者休于樹。前者呼。後者應。僂

僂提携。往來而不絕者。滁人遊也。此一截說滁人臨

溪而漁。溪深而魚肥。釀泉為酒。泉香而酒冽。山肴野

蔌。雜然而前陳者。太守宴也。宴酣之樂。非絲非竹。射

者中。奕者勝。觥籌交錯。觥酒爵也唐人會飲坐起而

誼。譯者眾。賓懽懽也。蒼顏曰。髮頽乎其中者。太守醉也。

此一節說太守與眾賓同遊而醉已而夕陽在山人影散亂。太守歸。

眾賓同遊而醉



到末方說出  
姓名亦是一  
法

而賓客從也。樹林陰翳，鳴聲上下。遊人去而禽鳥樂也。然而禽鳥知山林之樂，而不知人之樂。人知從太守遊而樂，而不知太守之樂其樂也。此一節說太守所樂之真醉能同其樂。醒能述以文者，太守也。太守謂誰？廬陵歐陽修也。

陳師道曰：記者記其事耳。今之記乃論也。歐公此記

直記其事而文出自自然，少道少游謂醉翁

亭記亦用賦體信矣。

虞

集曰：此篇是記變體。歐陽以前無之，或曰用賦

體非也。逐段叙事，無韻不排，只是記體第



三段序景物處雖似賦然鋪叙記中多有  
凡六段

張以忠日神雋雅鍊韻調俱絕



畫錦堂記

韓魏公初罷相出鎮長安

或獻以詩云

是非莫問門

前客得失須

憑塞上翁引

取碧油紅旆

去鄴王臺上

醉春風蓋諷

其辭分陝之

重也公以為

然即請守相

州作畫錦堂

而歐公為之

記

前說世態炎

涼之變何等

痛切只兩句

仕宦而至將相富貴而歸故鄉此人情之所榮而今昔之所同也此四句乃一篇大意蓋士方窮時困阨閭里庸人孺子皆得易而侮之若季子不禮于其嫂買臣見棄于其妻一旦高車駟馬旗旄道前而騎卒擁後來道之人相與駢肩並肩累迹瞻望咨嗟而所謂庸夫愚婦者奔走駭汗羞愧俯伏以自悔罪于車塵馬足之間此一介之士得志當時而意氣之盛昔人比之衣錦之榮者也惟大丞相魏國公則不然韓魏公琦相州人初封魏國公至和中公以武康軍節公相人也世有令德為時名度來知相州歸故鄉也



收拾以後出

脫入題

前面意思得

此幹轉

言韓公非季

子買臣之流

先叙及此纔

見公能不以

富貴為榮所

以為盛德

得此一轉方

觀韓公素志

且于文勢覺

甚崢嶸

此名堂之意

不以公之寵

遇為公榮而

以公之志為

公頌志字凡

刻詩於石以遺相人其言以快恩讐矜名譽為可薄

卿自公少時已擢高科登顯仕海內之士聞下風而  
 望餘光者蓋亦有年矣所謂將相而富貴皆公所宜  
 素有非如窮阨之人僥倖得志于一時出于庸夫愚  
 婦之不意以驚駭而夸耀之也然則高牙大纛牙者車輪  
 福牙也纛者車上羽葆障也不足為公榮桓圭衮裳不足為公貴  
 桓圭三公所執衮裳三公所服惟德被生民而功施社稷勒之金石  
 播之聲詩以耀後世而垂無窮此公之志而士亦以  
 此望于公也豈止夸一時榮一鄉哉公在至和中嘗  
 以武康之節來治于相乃作畫錦之堂于後圃既又  
 刻詩於石以遺相人其言以快恩讐矜名譽為可薄



三兄見公之志不在榮也  
步步回頭顧精神百倍

讀此想見韓公大臣氣象

乃邦家之光  
自非歐公不能爲此言非韓公不能當此言

蓋不以昔人所夸者爲榮而以爲戒于此見公之視  
富貴爲何如而其志豈易量哉故能出入將相勤勞  
王家而夷也平險一節至于臨大事決大議垂紳止笏  
不動聲色而措天下于泰山之安可謂社稷之臣矣  
其豐功盛烈所以銘彝鼎鼎周禮注宗廟祭器上書虎雌二尊也所以盛鬱鬯  
者鼎三足兩耳和五味之寶器三代時而被絃歌者  
人臣有功德必銘于鼎彝用以酢功  
乃邦家之光非問里之榮也余雖不獲登公之堂幸  
嘗竊誦公之詩樂公之志有成而喜爲天下道也于  
是乎書

樓 昉曰文字委曲善于形容



唐順之曰前一段依題記起後乃歸之于正此反題格也

敖

鯤曰按畫錦自項羽朱買臣言之卑陋不足道韓公當世偉人也偶以名其堂此記乃述公自少貴顯勛業在天下與窮士僥倖得志于一時者不同所以名堂蓋示昔人所誇耀爲戒歐六一不特文工其識遠矣張以忠曰韓公德業冠代而以快恩讐矜名譽爲可薄今之從政蓋斗筭之徒無足筭也已



送徐無黨序

歐陽公極好  
爲文晚年見  
得如此吾輩  
生平好著文  
章以自娛爲  
深省

墨質之文

旁達用舍

草木鳥獸之爲物。衆人之爲人。其爲生雖異。而爲死  
則同一歸於腐壤。漸盡泯滅而已。而衆人之中。有聖  
賢者。固亦生且死於其間。而獨異於草木禽獸。衆人  
者。雖死而不朽。愈遠而愈存也。其所以爲聖賢者。修  
之於身。施之於事。見之於言。是三者所以能不朽而  
存也。修於身者。無所不獲。施於事者。有得有不得焉。  
其見於言者。則又有能有不能也。施於事矣。不見於  
言。可也。自詩書史記所傳其人。豈必皆能言之士哉。  
修於身矣。而不施於事。不見於言。亦可也。孔子弟子。



先抑後揚自  
上說下

有能政事者矣。有能言語者矣。若顏回者在陋巷。曲肱饑臥而已。其羣居則默然。終日如愚人。然自當時羣弟子皆推尊之。以爲不敢望而及。而後世更千百歲。亦未有能及之者。其不朽而存者。固不待施於事。況於言乎。予讀班固藝文志。唐四庫書目。見其所列。自三代秦漢以來。著書之士。多者至百餘篇。少者猶三四十篇。其人不可勝數。而散亡磨滅。百不一二存焉。予竊悲其人文。章麗矣。言語工矣。無異草木榮華之飄風。鳥獸好音之過耳也。方其用心與力之勞。亦何異衆人之汲汲營營。而忽焉以死者。雖有遲有速。



一句轉

可涕

而卒與三者同歸於泯滅。夫言之不可恃也。蓋如此。而今之學者。莫不慕古聖賢之不朽而勤一世以盡心於文字間者。皆可悲也。東陽徐生少從子學爲文章。稍稍見稱於人。旣去而與羣士試於禮部。得高第。繇是知名。其文辭日進。如水涌而山出。子欲摧其盛氣而勉其思也。故於其歸告以是言。然子固亦喜爲文辭者。亦因以自警焉。

樓 昉曰轉折過換妙

林希元曰此篇乃崇本抑末意議論甚高以是送徐生可謂進人于道矣




唐順之曰六一公身蹈此弊故言之親切如此

張以忠曰公文章冠代而所言如此固知立言不朽

古人餘事世人琢句矜字以文鳴政繇  
見地不高故耳







唐順之曰六一公身蹈此弊故言之親切如此  
張以忠曰公文章冠代而所言如此因知立言不朽  
古人餘事世人琢句矜字以文鳴政歸  
見地不高故耳



